

四庫全書

史部

欽定四庫全書

史部

法帖釋文考異卷一至五

詳校官編修臣潘庭筠

編修臣程嘉謨覆勘

總校官知縣臣楊懋珩

校對官編修臣盧燧

謄錄監生臣李錦

欽定四庫全書

史部十四

法帖釋文考異

目錄類二

金石之屬

提要

臣等謹案法帖釋文考異十卷明顧從義撰  
從義字汝和上海人嘉靖中詔選善書者入  
殿直應試稱旨授中書舍人直文華殿隆慶  
初以預修國史成擢大理評事其楷書行草  
宗鍾王徑尺大字仿顏趙甚為文徵明王世

貞父子所重此乃所作淳化閣帖釋文於前人音注辨其訛謬析其同異依帖本原次第勒為十卷手自繕寫而刊行之閣帖自米芾黃長睿秦觀諸家而後踵加考訂者寥寥無幾從義始參彙羣說輯成一編後來評帖者每以為據而識見淺近又不得善本以相校勘故搜羅雖廣而精審未臻今者恭逢我

皇上幾暇臨池折衷藝苑特取

內府所儲閣帖遴其初搨最佳者為淳化四年  
賜畢士安本

命內廷諸臣詳加校訂選工摹勒復還舊觀其間  
蒐集諸家釋文至為賅備凡是非得失之故  
仰荷

睿裁鑒定勘核精詳洵足嘉惠搢觚永垂奕禩其  
從義所長者既已悉資採取誤者亦已駁正  
無遺是書原不過為白茅之藉特行世既久

其用心之勤至亦頗有可取者故仍錄而存之以不沒其耆穉之功焉乾隆四十五年九月恭校上

總纂官臣紀昀臣陸錫熊臣孫士毅

總校官臣陸費墀

法帖釋文考異原序

淳化法帖以閣本為祖而後臨摹傳倣刻者紛紜猶子  
母相生孫曾相因雲仍耳禾愈遠而愈降即溫陵一搨  
乃有四十二家其他不可推乎刻者既無伏靈芝之絕  
技鑿者亦無歐率更之妙賞肥瘦失真巧拙莫辨遼豕  
宋璞之流人自為寶相持而莫肯下幾何其不為聚訟哉  
上海顧氏自御醫公以來世以博物好古相授受江東  
推為文獻之族迨及廷尉汝和尤鍾情金石好無以尚

秦宮漢寢之刻積案文牀每覩一碑覩一碣傾赤仄而不能償往往捐架上圖籍與室中之釵珥更或索米胡奴以益之致必獲而後已既得則摩挲諦玩忘寢與食幾於紙弊墨渝而猶不忍去手購求日廣討論日博辨析幾微卓有定見審波磔而知人代尋點畫以分郡國美惡察之絲縷真贗較於毫毛以為蘭亭有考絳帖有評獨俾是本寥寥紫可奪朱乎於是釋其訛考厥異同勒成一家之言傳諸好事之口手自繕寫以授鋟人鳴

呼斯不可謂之癖與抑古之所謂癖者寧獨一汝和哉  
揚雄之太玄杜預之左氏王濟之馬支遁之鶴劉伶之  
酒稽康之鍛與阮孚之蠟屐癖等耳其逸情高韻足以  
垂照簡編流響千古談者津津至今有遺味焉蓋即甘  
蟠蟲啖指爪嗜瘡痂好驢鳴亦皆使人解頤而忘倦豈  
非玉之有瑕勝石之無玷乎汝和此書吾益取其癖焉  
而已世故有同汝和之癖者庶幾得免於覆瓿也夫太  
原王穉登序



欽定四庫全書

法帖釋文考異卷一

明 顧從義 撰

漢章帝書

黃伯思刊誤云凡草書分波磔者名章草似此者但謂之草猶古隸之生今正

書故章草當在草書先然本無章名因漢建初中杜操伯度善此書章帝稱之故後世目焉今此卷首帖偶章草便以為章帝書誤矣然此書亦前代作但錄書者集成于文中語耳米芾徑以此辯之

未中其病黃庭堅云疑只

是蕭子雲書之最得意者

辰宿列張盈旻海鹹河淡鱗羽翔龍師火帝鳥官人皇  
始制文字乃服衣遐邇壹體罔談彼短無恃已長尺璧

非尚寸陰是競孝當竭力忠興溫若思慎終宜令學優

登仕攝職從政都邑二京背芒

干祿字書芒印上俗下正

面洛浮渭

既集墳典亦

米云偽帖

晉武帝書

伯思云米云晉武當是孝武非也僕按省啟帖與後黜王帖雖在疑錄似非一

家書續帖中炎報帖頗與此筆法同炎晉武名非孝武也然皆後人依放此帖米云故遣信還古者謂使為信故逸少帖云信遂不取答真誥云公至山下又遣一信見告謝宣城傳云荊州信去倚待陶隱居帖云明旦信還仍過取反凡言信者皆謂使人也近世猶有此語故虞永興帖云事已信人口具而今之流俗遂以遣書饋物為信故謂之書信而謂前人之語亦然不復知魏晉以還所謂信

者乃使之  
別名耳

省啟知既下須防具具

施作之

揚州寒到有者比尚擬之

動靜更啟也數遣信還

米云偽帖

西晉宣帝書

伯思云阿史病轉差帖云晉宣帝亦未然按大觀帖叙在一卷第二不

當在武帝下此類太多

之白阿史病轉差

差即瘡疾愈也後放此

未皆外曹尚書云

當作之

得書法

東晉元帝書

伯思云安軍破埤數朝三草書筆勢糾繞若一其偽不疑僕幼時嘗觀世

傳七賢書未有白字皆連名作點七人所作了無  
小異雖當時筆法傳授或同然人書不同亦如面  
馬不應乃爾無別因疑其偽是時宿輩長者或謂  
不然後觀竇泉書賦始知七賢帖果李懷琳偽作  
此三帝草書  
亦是類也

安軍未報平和之如何深可為事也

八月九日睿頓首

施宿大觀總釋  
文作頓首頓首

忽中秋

闕

懷便

微冷恒何如比殊不能佳惟勿得慰抱

闕

不多司馬

睿頓首

施作頓首頓  
首米云偽帖

東晉明帝書

伏想

作一行

墓次安隱

隱穩古通用後放此

守視文武平安

東晉康帝書

陸女郎問許

息醉切言也

如此可籌量之

有飛白

東晉哀帝書

丕死罪死罪承中書郎君疾患比委察情以灼恒伏念  
垂心憂勞想得治力漸佳丕死罪死罪

東晉簡文帝書

昱白所示慶賜事具

施作乙

此莫大之禮

施作祀

天下大

慶得率由舊章慰答民望甚為盡善但奢則不適於時

儉則陋而不典正當斟酌其宜令得會中耳

文嘉本第二三行闕

上二字第四行闕上三字第五行第六行俱闕上四字

東晉文孝王書

帖說既云道子白當是會稽王也

異暑復何如向見瘕云卿小苦瘡不乃以為患治之不

丈本已上二行各闕五字通前八遣不悉司馬道子白

東晉武帝書

語見晉武按朱黃二公見則燕王為襲封者矣晉武帝諱炎東晉孝武諱

曜大觀帖為晉武

帝次省啓帖下

比劉次莊釋  
文作昨非

得譙王

名遜宣帝弟任魏關  
內侯晉受禪封譙王

書有欲仙語

吾荅之如別卿前云宜卿譙王叅之於衆云公書卿私  
書君輒從衆以吾觀之寧當許也想所謂爾

宋明帝書

伯思云宋明帝帖云報休祜休範二家  
內人知祜晉平王也範桂陽王也宋史

以祜為祜蓋冊牘傳寫之訛當以祜為  
是 按諸帖俱作祜豈帖反不足信耶

鄭修容有兄喪今成服汝可令汝內人知之再報休祜  
休範二家內人知也或明帝諱一  
作感非報

齊高帝書

吾今至破堙在路粗可尋

潘允諒本右有銀錠紋

還遲見卿不遠

願信知卿深意也

米云偽

### 梁武帝書

數朝脚

庭堅謂脚字微摹轉缺筆足評長沙帖也

氣轉動不得多有憂懸情

也二謝處委曲復當有情故舊數有書問不可復有興

也知何時再言話報之

米云偽

### 梁高帝書

伯思云米云梁高當是齊高非也此帖末云蕭衍正梁武名梁武廟號高祖此

書目誤以祖為帝耳按潘得袁耽之閣本顧從義所得壺損閣本標目下有小二字

衆軍行人最今封如別曹郢州

曹景宗也

近遣樊士真領三

百人猶在漁湖其應用行合應有四千人

疑有關此行特稀而短

故指白蕭衍疏

宋云偽

### 梁簡文帝書

知康司馬卓以水淺未時發漢源冬涸理當有訖

筆云切不

知也造舟有及具

泉州本此二字闕角

網荅

宋云偽

### 唐太宗書

不審夜來胃氣何似想當漸散痢復斷未江叔所患竟

不痊除奄然逝聞問悲痛哽咽何言想叔同氣之傷故

當難處今故遣使往叅具

乙乙施作

無委諮

乙乙諮字下大觀帖多二日二字伯

思云弔江叔帖非唐文皇書葉高宗永隆元年七月丙申江王元祥薨即此帖所謂江叔也高宗多以國呼諸

父如滕叔不須賜謂滕王元嬰猶以元祥為江叔此正高宗書也

兩度得大內書不見奴表耶耶忌欲怕施作死少時間

忽得奴手書報娘子患憂惶一時頓解欲似死而更生

今日已後但頭風發信

文本有闕空未補

便即報耶耶若少有

疾患即一一具報今得遼東消息錄狀送憶奴欲死不

知何計使還具耶耶勃

懷讓患水邊身腫復利形勢極惡耶耶意多恐不濟

潘本

并顧本俱闕  
齊上一點

遺愛勞發大重氣候

一作復非

似少可於豆盧

覆姓也亦似難差傷念不可言奴報其婦知也

叔藝韞

蘊通一  
誤作韞

多材慈深善誨藹夙奉趨庭之訓早擅

臨池之工聞其比來復愛飛白昨故戲

劉與施俱  
釋作遽非

操翰

墨聊以示藹

本文故藹二行頭上  
木版朽壞殘闕不全

慙六文之

潘本有補  
痕錠紋顧

木  
錠文本未補

有補痕未下  
麗則異五際之芳詞忽枉來書談飾過

實顧惟菲迹非敢當仁披攬循環祇以增愧故斯表意

餘不多云諮

諮字下大觀帖多十五日三字伯思云叔藝韞多材帖亦高宗書中云聊以示謫謂

魯王靈夔之子范陽王藹也靈夔亦高宗叔史稱其篤學善草隸此帖所謂叔藝韞多材慈深善誨藹夙奉趨庭之訓早擅臨池之工者以此後有荅進枇杷并後營五橋南二帖皆高宗書此數段並誤入太宗帖中

使至得所進枇杷子良深慰一作至非悅嘉菓珍味獨冠時

新但川路既遙無勞更送今者梅炎藻夏麥氣迎秋香

飄蘭坂之風鏡轉桂巖之月為善之遐想劉作相非足怡神延

望白雲載深離緒聊疏綠

一作綠非

字此不多申諮

諮字下大觀多

廿九日  
三字

使至辱書知公所苦少可慰意何言不知信復更復何

似時氣

潘本華叔陽本已上五字  
少有殘闕獨顧本不損

漸冷善將息也所請

景賢公即宜留聽追然後遣若無好藥更遣揀擇今為

北邊動靜奉勅即行相去

一作知非

大近信使非遙實情欣

怍

施作悅

耳遣無○

疑是之字

李世民呈

比者久嬰沈疾虛弊何言昨日臨朝畧無勞懃看此稍  
望平復未知於後何如且用慰心自怡而已昨夜痛發

少覺勞弊

華本弊字行左  
有一卷二字

所上有以不能相見若有事  
補痕

進勅十一日

昨日來體履似漸可始聞卿不佳旦來何似勅

三五日來漸望平復所以不能相見恐更勞發勅

雅

一作雅

州只為造船急所以如此早與書莫聽急賊已

至万

一作力

發兵恐少勅

卿與道宗誰已得多馬明當至故遣問即報勅十四日

所疾者漸可不至憂耳

此行獨低一字諸本皆同

北邊始有

華本行左有一卷十三字

表至甚無事故書相報勅

八柱承天乾道由其廣運四維紀地坤元所以載安是知締

構經綸必具風雲之佐變諧樞宇咸資川嶽下

潘本華本顧本

失波作下字淳熙脩內司帖有波作之字

靈故軒丘御辰六相宣其景化媯

水乘時五臣濟其鴻業

數日來氣發今旦服一飲子不得相見有事進狀勅中

書門下三

一誤作六

品廿七日

門下中書省及侍郎給事中舍人員外郎鎧曹叅軍左

右庶子大觀連下明日移營帖共作一帖

明日移營向五橋南一二一作三字里着勅三日數日

來患痢今雖稍可猶自虛憊欲三五日將息諸司有事

進狀勅十一日

昨令今旦引高麗人辭明日將來勅二日

卿昨日道服蜀葵可錄方將來勅廿三日

唱箭處只道官號及姓不唱名不知是何人想夕應合

唱名勅三日泉本此帖二行有石裂紋

五言秋日數庾信體

嶺銜霄月桂珠穿曉露叢  
蟬啼覺樹冷螢火不溫風  
花生圓菊蒞荷盡戲魚通  
晨浦鳴飛雁夕渚集栖鴻  
颺颺高天吹氛澄下熾空

數年來每有征動雖復事非為已猶恐下有怨咨所以  
廢甘泉之遊履焦金之弊寧可違涼忍暑不能適已勞  
民想汝誠心惟吾是念自非孝情深結孰能以此為懷  
省書潛然益增感念善

泉本此行有石裂紋

自將愛遣此不多哥

哥勅

東都今年別稅草今既不去並停常稅草彼處應無用處且宜減納即早處分勿遲勅九日

唐高宗書

太子無事欲僻洛城西門伏聽更不須覆奏勅廿三日過午將審行弘福及倉糧帳乏絕戶數向衙裏來勅廿

五日

上二字  
飛白

卿及文瓘處俊敬玄午前到九乾門來勅廿九日

錢事且莫宣出勅

有飛白

六尚書及尚書左右承侍郎殿中將作少府司農等長官今日晚間並喚向衙裏來勅至德二日

昨日令卿等平章事遣作狀報何因不進勅六日

使至知玄堂已成得早了深以為慰不知諸作早晚總待斷手日月猶賒必須牢固數日來極熱卿等撿校大應疲倦陵初料高一百一十尺今聞高一百三十尺不知此事虛實今因使還故遣相問勅十五日

今遣弘

孝敬皇帝也

往東都遂生氣敬玄已下宮臣及隊仗

至彼聽入於文思章善等門祇承啟事進食等物並聽其文思門宿衛處卿等共其相知檢校勅更不須覆奏

廿六日

陳長沙王陳叔懷書

伯思云據陳史長沙王但有叔堅而無叔懷其弟亦無此

名觀帖尾作名處疑是叔慎叔慎岳陽王也孫楨云蓋摹傳之變宣和書譜亦作叔懷謂史不載其

名黃說為優

云須徹吾既不司此行極是

是字疑

園中梅始發既無工

力治未花之與徹今付此不多叔懷答自足何用此花

潘華顧三本花字內多

一畫泉本孫本無畫

陳永陽王陳伯智書

伯思云陳文帝謂宣帝曰我名子以伯汝宜以叔此卷陳

永陽王伯智書誤錄

在長沙王叔懷後

熱甚汝習讀為勞吾疾劣遣不具伯智疏

寒嚴比氣力何似僕疾劣甚情想遇今信旨此不多陳

伯智疏

法帖釋文考異卷一

欽定四庫全書

法帖釋文考異卷二

明 顧從義 撰

後漢張芝書

伯思云唐文皇右軍傳贊云伯英臨池之妙無復餘蹤當是時遠購冥搜

古帖畢出而御府所蓄其富無倫尚無伯英書後世豈可復得非特唐也晉世見者亦寡故庾翼與右軍書云昔得伯英章草十紙過江亡失常歎妙蹟永絕此卷草草芝白一帖差近古亦疑先賢摹放也前知汝殊愁以下五帖米云皆張長史書信然但帖中有云數往虎丘祖希時面祖希張玄之字也玄之與大令同時虎丘地在江左當是長史書二王帖辭耳

知汝殊愁且得還為佳也冠軍斲暢釋當不得極蹤可

恨吾病來不辨行動潛不可

大觀帖合不可共作處字後義獻帖語亦有潛處字

以義詳之要是王著誤分也耳

終年纏此當治

施總釋注云治字本復字淳化帖摹差劉作治按大觀帖摹正作復

何理

耶且方有諸分張不知比去復得一會不講意施作不

意同可恨汝還當思更就理一昨一本合二字作所字遊悉誰同

故數往虎丘不此甚蕭索祖希時面因行藥欲數處此按

行下空不能容看過還復共集散耳淳化施筆不過三寸大觀乃至七寸

不見奴粗悉書云見左軍彌數論聽故也

今欲歸復何適報之遣不知總散往

並上二字劉施釋  
關按書法當作

往

並侍郎耶言別事有及過謝憂

有飛  
白勤

二月八日復得鄱陽等多時不耳為慰如何平安等人

當與行不足不過彼與消息

朱云前五帖  
並張旭書

八月九日芝白府君足下不為

劉作所為陳作不日施  
疑按字形當作不為

秋涼平善廣閒

劉施作  
深非

彌邁想思無違前

一作  
奈非

比得書

不逐

一作  
遂非

西行望遠懸想何日不勲捐

庭堅  
作指

棄

劉作  
業非

漂

庭堅  
作堯

沒不當行李又去春送舉

一作  
余非

喪到莫

一作  
美

陽須

待伴比故遂藺絕有緣復相聞飡食自愛張芝幸甚幸甚

後漢崔子玉書

伯思云崔子玉書云數附書知聞以解其憂唐人書也字亦非漢崇

孫云伯英嘗云吾上方崔杜不足下比羅趙有餘則叙崔當在張前大觀帖叙在張後

賢女委頓積日治此為憂懸焦心今已極佳足下勿復

憂念有信來數附書知聞以解其憂

宋云偽

魏鍾繇書

伯思云尚書宣示帖鍾書真蹟本在王丞相尊家導過江時藏衣帶中以遺逸

少逸少以遺王修修死其母以修平日所寶并入棺真蹟遂絕此本右軍所臨者白騎遂帖乃王大

今臨唐開元中在滑臺人家并逸少臨宣示帖藏之故誤錄在鍾部長風帖乃逸少早年書殊云變鍾體故亦誤真此長風范母齊梁人書非也

尚書宣示孫權所求詔令所報所以博示速

孫云音錄人姓菜

韻會音代及也古作速又賄霽韻鍾繇力命帖有復蒙速及語正同

于卿佐必冀良方出

於阿是芟芟之言可擇郎廟況繇始以疏賤得為前

恩橫所賄

一作賄又盼同

脫公私見異愛同骨肉殊遇厚寵以

至今日再世榮策名

按諸本皆作榮名法帖譜係云點江帖榮名作榮石正與戲魚堂帖

同同國休感敢不自量竊致愚慮仍曰達晨坐以待旦

退思鄙淺聖意所棄則又割意不敢獻聞深念天下今

為已平權之委質外震神武度其

大觀帖度其右邊有臣張長吉張仲文小

字拳拳無有二計高尚自疏況未見信今推款誠欲求

見信實懷不自信之心亦宜待之以信而當護其未自

信也其所求者不可不許許之而反不必可與求之而

不許勢必自絕許而不與其曲在己里語曰何以罰與

以奪何以怒許不與思省所示報權疏曲折得宜宜神

聖之慮非今臣下所能有增益昔與文若

荀彧字也

奉事先

帝事有數者有似於此粗表二事以為今者事勢尚當有所依違願君思省若以在所慮可不須復自節度唯君恐不可宋故不自拜表

繇白昨疏還示知憂虞復深遂積疾苦何乃爾耶蓋張樂於洞庭之野鳥值而高翔魚聞而深潛豈繇磬之響雲英之奏非耶此所愛有殊所樂迺異若能審已而恕物則常無所結滯矣鍾繇白

白駢遂內書不俟車駕計吳人權道情懷急切當以時

月待取伏罪之言蓋不以疑相府小緣心吞若八九大觀

即接  
下帖

弟常患常羸頓遇寒進口物多少有飛新婦動止仰人

十二日繇白雪寒想勝常得張侯書賢從帷帳之悼甚  
哀傷不可言疾患自宜量力不復具繇白

得長風書靈柩幽隔三十年心想平昔痛慕崩絕豈可

居處抽裂不能自勝謝書已上二字閣本微闕已乞施作具日安厝

即其情事長畢奈何松等隕動哀情頓泄亦難可言郗

還未卜聊示友中郎相憂不去心感遠懷近增傷惋每

見范母子哀號使人情悲

米云齊梁人書

吳青州刺史象書

伯思云皇象文武帖蓋寫漢東觀校書郎中高彪送幽州

督軍御史第五永歲耳結字亦古史本云呂尚七

十此云師尚七十史本云明其果毅此云昭其果

毅師作呂昭作明蓋作史者避晉諱五將三門下

當云地有九變丘陵山川人有計策六奇五間總

茲三事謀則咨詢無曰已能務在求賢淮陰之勇

廣野是尊周公大聖石碣純臣以威克愛以義滅

親勿謂時險不正其身勿謂無人莫識已真忘富

遺貴福祿乃存枉道依合復無所觀先公高節越

可永遵佩服藏斯戒以厲終身時蔡邕輩並賦詩送

永獨彪作此箴邕等甚美之以為莫尚也全章見

東漢書此段軼之象書人間殊少惟建業有吳時  
天發神讖碑若篆若隸字勢雄偉相傳乃象書也張  
懷瓘目以沉著痛快真得其筆勢云皇象後章草  
一表蓋唐人偽作其體正與世傳曹植書鷓鴣雀賦  
同皆非真蹟至若孫皓上晉武帝表  
亦章草書字畫高古與此有間矣

文武將隊

一作

乃俾俊臣整我皇綱董此不虔古

史有

君子即戎是

劉施俱

身昭

史作

其果毅尚其桓桓師尚

史

呂避晉

七十氣冠三軍詩人作歌如鷹如鷗天有泰一

五將三門地

臣象言頑闇容

庭堅

薄

庭堅作

加以年老凡百乖

庭堅

者長沙傳  
慕失真也

穢無所中

庭堅作中  
一作聞

宜特蒙哀傷

庭堅作  
侍是

殊

異之遇安感騎乘之懼遊息之燕淳和足使忘軀

庭堅  
誤作

儉命

疑作  
欲

榮

庭堅誤  
作襄

觀足以光心膂延望翹翹念在効

報而蕭走垂須終何才力

潘本右  
有綻文

以答新恩唯尚有借

近趙走文過首

施作  
省非

貧尚尋天恩智方當私成無往顏

愛自彌文唯

米云此帖章  
帝一手偽帖

晉丞相張華書

得書為慰僕諸悞疾已甚

已甚二字  
施作欲字

暫西臥歸還乃悉

比將念

可疑反施及非

不具張華呈

施作呈字疑一作頓首

晉丞相桓溫書

大事之日僕在都謂無所復見慰勞又計時事也逐節

郎來已具言意餘所

淳化摹誤大觀摹正

慰勞諸都督

按上二字當作都督

二字劉釋作相具答大觀摹正相具答三字施釋又與劉同

邊將粗當爾耳僕無所

使當作護

酒席劉作治度意

晉丞相王導書

文本標目板有朽壞晉丞相三字模糊不全

省示

一作不

具卿辛酸之至

庭堅作言一作意

吾甚

劉與施同案書法當作

慮憂勞卿此事亦不暫忘庭堅作然書足下所欲致身

處尚在殼

劉作殼形稍近庭堅作殿義亦通一作殼大觀竟摹作寇故施以劉釋為非

中王

制正自欲不得許卿當如何導亦天明往

導白改朔

淳化摹可疑大觀摹正

情增傷

大觀摹正立人

感濕烝

一作自惡非

一作日

何如頗小覺

大觀摹正覺字

損不帖有應不懸耿連哀勞

滿悶不具王導

施釋導字下多一白字

晉丞相王敦書

敦頓首頓首蜡節忽

潘本右有縱紋

過歲暮感悼傷悲意

施分作今

邑想自如常比苦腰痛憤憤心亂也一得示知意反不

作快快

以悉王敦頓首頓首

晉中書令王洽書

洽白辱告承

陳與義曰此字畫失

問洽故爾劣劣冀以復叙還日

一作不具王洽再拜

洽頓首言不孝禍深備○

劉作紛按書法可疑施作豫其釋注云劉修撰無言以館

閣法書刻於私家有此帖乃側注豫字恐是後人署名而薄化大觀帖摹以入行鈎勒復差蓋不可辨劉氏本豫字

甚明也 嬰荼毒蔭恃亡兄仁愛之訓冀終百年永有憑奉

何圖慈兄一旦背棄悲號哀摧肝心如抽痛毒煩冤不自堪忍酷當奈何痛當奈何重告惻至感增斷絕執筆哽涕不知所言洽頓首言

洽頓首言兄子號毀不可忍視撫之摧心發言哽慟當復奈何洽頓首言

洽白向感塞不成叙得告承

大觀摹正承字

問殊乏劣白不具

王洽再拜

晉司徒王珉書

伯思云王小令此年帖本唐人所畜與二鍾虞松三帖為一卷珉帖末

云輔國司馬君筆勢婉雅與此有間矣此亦無後五字潘本此下有錠紋

珉頓首頓首此年

本文補痕右貫標目

垂竟

大觀少末一鈎

悲懷無割不

自勝奈何奈何寒切體中比何似甚耿耿僕疾遂不差眠

食少憂深遣書不次王珉頓首頓首十八日珉白比

劉作以

二書斲至未更近問懸情不適以可不吾羸疾故爾憂

深力書不具

施作

王珉敬問

何如僕故頓弊力書不次王珉頓首頓首上下何如僕

上下上下大都蒙恩得書至之吾亦

今欲出耳吾此月急遣

庭堅作  
亟盡

廿四足王濟祖日欲必

赴卿可剋過明

庭堅作則  
劉作的

吾

大觀多  
一早字

當下解相待

按書

法當  
作限

出

上四字庭堅作  
想爾臨書非

亦遣報既至王家

一作畢  
敬非

卿可

豫檄

庭堅作報謂  
傷筆非也

光公令作一頓美食可投其飯也王

珉相報

### 晉司徒王珣書

三月四日珣頓首末冬衆感得七月書知問即日

一本無日

字何如服

一作秋字

弊憂之劣不具

施作

王珣頓首白

晉侍中王廙書

伯思云王世將廿四日帖與弟一卷數朝等偽帖字勢無異惟後兩

表極古信能傳鍾氏筆意而右軍學之也表中有云頓之勿勿案顏氏家訓云世中書翰多稱勿勿相承如此莫原其由或有妄言此忽忽之殘闕耳說文勿者州里所建之旗蓋以趣民事故息遽者稱勿勿僕謂顏氏以說文證此字為長而今世流俗又妄於勿勿字中斜益一點讀為勿字彌失真矣案祭義云勿勿諸其欲其饗之也注勿勿猶勉勉也愨愛之貌杜牧之詩浮生長勿勿是知勿勿出於祭義古人詩中用之不特稱於書翰耳

廿四日廙白唯久白想適妙來行未面遲想得示知因

同施作

云冀何生相見近及不多王廙白

朱云同章帝一手偽

臣廩言臣祥除以復五日窮思永遠肝心寸截甘雪應  
時嚴寒奉被手詔伏承聖體御膳勝常以慰下情臣故  
患勾滿氣上頓乏勿勿慈恩垂愍每見慰問感戴屏營  
不勝銜遇謹表陳聞臣廩誠惶頓首頓首死罪死罪

臣廩言昨表不宣奉賜手詔伏承聖體勝常以慰下情  
不審夙昔復何如承鄭夫人乃爾委頓今復增損伏惟  
哀亡愍存益勞聖心謹附承動靜臣廩言

七月十三日告籍之等疑近日遣王秋書不言一作具

一作具  
一作也

非俱月側一作何

復半念汝獨

一作緬

思不可堪居奈何奈

何雨涼不差

施作審當作佳字  
大觀連下為一帖

嬖干祿字書  
三老五更蔡邕曰更當作叟其來亦舊矣

何如汝所

患遂差未懸心不可言阿母蒙恩上下悉佳宜一作聞可

行

關劉施關一作  
鴻疑作瀉

疾如復斷要取未斷愁人宜復具一作

日發與別悵悵不可言今遣使未北反大觀募書不  
作及

足白復會一作言日消息廩疏

晉太宰高平郗鑒書

鑒頓首頓首災禍無常奄承邁難念孝性攀凡偏旁手亦作于慕  
兼剝不可堪勝奈何奈何望遠未緣叙苦以增酸楚鑒  
頓首

晉侍中郗愔書

九月七日愔報比得章知弟漸佳至慶想令一作今漸大觀

書法少勝食進一作逢不新差難將適猶懸憂遣不具施作

比愔報

廿四日愔報比書想悉達一作連日諒弟佳不及數字

情報遠近何也

劉旄關一作地非

王右軍竟去不付石首干古

乾

字一節

想親親

當作

悉如常敬豫

王恬

何當

長沙帖分作少用二字且分作兩行

誤甚

來耶道祖故未善

一作曾非

差恒在尚書不見來多日

晉中書郎郗超書

超言遠近無他說苟

一作苟

異問者定虛耳云段龕歸順

不知審不

不否通後凡過此可以意求

王江州

羲之凝之皆嘗為江州刺史

為宗

正似已定前所傳者虛妄耳異同自旨啟超言

晉尚書令衛瓘書

頊

按頊字下當有首字古人作字畧希即可當字孔琳之帖尾頊首亦如此寫入羲之帖亦如此寫州

民衛瓘惶恐死罪中闢音敬望想想

一作報

懷在外累年

始爾得還情甚踊躍旦

且當作

望

至當作

卅里上領

當作

節

度明日乃入奉說欣承福祚自得

當作

白不具瓘惶恐死

罪

施釋重死罪二字

晉黃門郎衛恒書

一日

文本上二字板朽糝糊

有恨知問未面為歎欲七日云

一作

耶文本上四字恒白  
板朽糝糊

晉太傅陳郡謝安書

伯思云謝安後一帖傳摹遠甚米以為偽者蓋以惶恐再

拜當時罕用然於尊老者或有之陶華陽真誥中有帖云許玄惶恐再拜正晉世體

安頓首頓首每念君一旦

知泉本此行有石斷紋

窮煩冤號慕觸

事崩踊尋繹荼毒豈可為心奈何奈何臨書悽悶安頓

首頓首

六月廿日具記道民

稱道民庭堅謂蓋事五斗米道考史王氏世事五斗米道凝之彌篤

未聞安石恐當時通俗尚之案後漢張燕輩託天師道陵立祭酒治病使人出米五斗而病隨愈謂之五斗米

道安惶恐言此月向終惟祥變在近號慕崩慟煩寃深  
酷不可居處比奉十七十八日二告承故不知甚馳灼  
太熱尊體復何如謹白記不具謝安惶恐再拜

米云前帖真後

六月帖  
偽書

### 晉散騎常侍謝萬書

七月十日萬告朗等

詔朗川並早卒

便流火感傷兼切不自勝

奈

泉本此行有斷石紋

何奈何轉涼汝等各可

大觀第二可摹作之知近

聞邑邑吾涉道動下疵乏劣力及不具

施作

告父疏

法帖釋文考異卷二

欽定四庫全書

法帖釋文考異卷三

明 顧從義 撰

晉太尉庾元亮書

伯思云庾亮書云奉告書箱先為媿子作稟江淮之間謂母曰

媿此云媿子未知目何戚也爾雅云媿媿安也案史庾亮字元規大觀標目庾亮置三卷第四

亮白奉告書箱

案急就章箱亦作草頭

先為媿

音氏又音啼弟

子作輒先

以奉之研今作之支髮枕今作

劉作作施作注

無作

劉作作施作治模

若有可權付之亮再拜

案大觀帖自開禧以後磨去亮字右邊博筆蓋避逆亮諱也

晉車騎將軍庾翼書

伯思云庾翼帖稱故吏從事中郎按翼嘗為陶侃大尉府

從事中郎此當是與侃  
啟也大觀置三卷第五

故吏從事中郎庾翼叅軍事劉遐字正長死罪白昨所啟

龐遺孟昝

日桶飛也

所請求述上事事須檢按一作非諮論光

駕當出請不從詣錄事申郎共詳處別白謹啟翼遐死

罪死罪

已向季春感慕兼傷情不自任奈何奈何溫和足下何

如吾哀勞何賴愛護時不足下須一作頃氣力熟若別時

米云同章帝

一手偽帖

晉太守沈嘉長書

按史沈嘉字長茂  
大觀置三卷第六

十二月十三日嘉頓首頓首歲有感懷深寒切想各平

安僕勞弊遣不具施作沈嘉頓首頓首

晉侍中杜預書

伯思云杜預有十一月十四日帖  
云道遠書問又簡間得來況非當

時尺牘中語或是江左人書不特親故帖偽也親  
故末云數附書信以慰吾心亦近世俗語耳大

觀置三

卷第二

十一月十四日預頓首歲忽已終別久益兼其勞道遠

書問又簡間得來況一作知消息申省次若言面米云此帖

真

親故數移轉想祖父白具云也祖父如足下來言小大

云具孤

劉施作絕

女

劉作汝一作如

親親也有信數附書信以慰吾

心也

米云同章帝偽帖

晉王循書

大觀標目作晉中軍將軍王循置三卷第七

七月廿四日循遮

施闕一作舊非

頓首秋月感思深得近示為

慰餘熱比復可不僕疾患故爾不平復頓勿力書不盡

王循遮頓首

褚遂良羲之書目有阿遮帖張彥遠帖語中有報敬倫遮恐是王氏子姓米云同上

偽

晉劉超書

伯思云晉劉超為人慎密自以書類元帝不敢與外書此帖不應尚傳又字勢

與元帝大別其偽審矣大觀標目作晉衛尉劉超書置三卷第九

超死罪白如命皆令有本末保任然後受隨宜分處謹白

晉散騎常侍謝璠伯書

大觀置三卷第十

此計江東精兵不可卒得唯當善養見者而事慮日多  
如比來憂懷實已萬端

晉黃門郎王徽之書

大觀作晉黃門侍郎置三卷第十一

得信

潘本右有篋紋

承婢疾不減憂灼寧復何言

陳云劉作耳誤

吾便欲

往恐不見汝等湖水泛漲不可渡遂復隔

孫本闕耳旁

絕不

然尋已往彼故遣疏知吾遠懷不具徽之等告

晉謝莊書

伯思云謝莊首終任宋而題曰晉大誤大觀標目作宋光祿大夫謝莊置三卷

第二

十六

弟昨還方承一日

一合二

忽患

一作戀

悶當時乃爾大惡

殊不易追企怛

一作垣

想諸治昨

施云疑

來已漸勝眠食復

云何頃

一作須

日寒重春節至居患者無不憎

施作增

動今

作何治眼風不異耳指遣承問謝莊白呈左僕射

晉侍中司馬攸書

攸封齊王幾為太子者數矣合置司馬道子之上大觀標目作

晉齊獻王侍中司馬攸書置三卷第一

攸惶恐頓首頓首望近未得諮承以為

華本以為右委有三卷二字

華本委字下有補痕積比已秋風不審尊體何如冀行得稟受首

頓首

晉劉瓌書

伯思云劉瓌之迺東晉時善八分者大令既不肯書太極殿榜謝安石遂令瓌

之以八分題之今此帖非真與王虞廿四日虞帖無異按瓌之字元寶仕至御史中丞脫一之字大

觀標目有之字  
置三卷第十五

瓌之頓首

帖空一字

末陽遠感聞知有患耿耿知以自屈恨

不相見力及不比望懷之

大觀帖多頓首頓首四字米云同章帝偽帖

晉王坦之書

伯思云王著叙坦之書列於逸少諸子間意以名皆從之殊不知坦之過

述子自太原王耳非琅琊王也非通古甚那至爾  
索坦之仕至安北將軍與上徽之易至始得大觀

標目作晉中書令王  
坦之置三卷第十六

坦之惶恐言不知已興

施作興

謝郎論坦之事未其意良

一  
斷 作

不了者今當

此字疑

詣公自陳願告坦之惶恐言

晉王渙之書

伯思云王氏凝操徽渙之四子書皆真帖逸少七子上四人與子敬書具

傳惟玄之肅之遺蹟未見皆得家範而體各不同是善學逸少書者猶顏延年對宋文帝論其諸子自謂竣得臣筆測得臣文奐得臣義躍得臣酒書亦猶是也僕今以擬王氏諸子則逸少之書凝之得其韻操之得其體徽之得其勢渙之得其貌獻之得其源然而大令之書特知名而與逸少方駕者蓋能本父之書意所循者大故也真行則法鍾草聖則師張二家之法逸少所自出從而效之所以特高於諸王猶魯堂諸子由賜商偃皆以儒稱卒之得其傳者子淵而已大觀置三卷第十四

渙之等白不審二婢常患復何如馳情倫直等平安計

姬倫奴已應在道企遲適東五日動靜最差速

華本右有三卷

二姑如華本右有六字復小勝冀遂和耳猶不寧餘上下

施合二字

作叔故常患反側此悉佳渙之等白

晉王操之書

仕至侍中尚書大觀作晉侍中王操之置三卷第十二

操之等白得識婢書慰意知年光數問可不不得姜順

消息懸心操之頓首

施作等白二字

晉王凝之書

仕至左將軍會稽內史大觀作晉左將軍王凝之置三卷第十三

八月廿九日告庾氏女明便投衣感逝悲歎念增遠思

得却中書書說汝勉難安隱深慰懸心漸施作冷產後

何似宜佳消息吾並更不佳憂之遣不次凝之等書

晉征西司馬索靖書

伯思云索靖有七月廿六日帖本七紙晉王平南廙每寶

玩之值永嘉亂乃四疊綴衣中以度江唐蒲州桑泉令君盧器得之疊蹟猶存今所錄惟一紙耳摹

傳失真無復意象大觀置三卷第十七

載妖孽過臧災苗莫告咎臯陶惟施釋士繩罪報鞠按

城劉釋擬號裁割辜戮羞屈慙謾逆曲歸想輟寂鬪爭

念復執鼓肆陳爰曰施釋於予劉釋琴瑟以詠歌其

命禽爵翔榮

一作集  
一作巢

獸乃鼓

劉釋  
作歌

舞聲翳麗城越動飛

走脈土處

一作處

農姬業

疑作  
余

掌稷

七月廿六日具書靖白雖數相聞不解勞倦信至

施作  
具非

得書悉知弄云宅及計來東言展有期索靖白

晉侍中劉穆之書

大觀晉作宋置  
三卷第二十七

所欲

劉釋疑施  
作亦知是

足下家弊耳倉卒無祿故

施疑當  
作官字

推遷

不得不相用事已御出寧復吾所得廻復足下且當就

之公還當思更律

華本更律二字糝糊右有十一二  
字潘本二字亦糝糊獨顧本不損啟

申師情事也劉穆之白

米云同章  
帝偽帖

晉尚書王劭書

大觀探目作晉尚書令  
王劭置三卷第十八

劭白明便夏節哀慕崩摧肝心抽絕煩寃彌深不自忍  
任痛當奈何當復奈何得告為慰腫轉差勞悴勿勿力

及不次王劭再拜

米云同章  
帝偽帖

晉車騎將軍紀瞻書

伯思云紀瞻帖中有云貧家  
無以將意所謂物微意全也

觀此語不待見筆蹟可判其偽矣大觀釋注云石  
刻標題誤以瞻為瞻史作瞻大觀探目作晉侍中

紀瞻置三卷

第二十一

瞻白昨信來關

此上二字劉與施釋俱關一作永携可疑今蓋一作送案

逞又貧家無以將意今粉二斗少香所謂施釋注中陳與義云劉誤

當作物微意全者也力書不多紀瞻頓首

晉司徒王廞書大觀置三卷第二十

告誘靜媛靜儀靜姝此晦便當假葬永痛抽剝心情瓜

劉施俱割不自勝念汝等追痛摧慟纏綿斷絕何可堪

任痛當柴潘本華本割不字纏綿斷絕奈何當復奈何

遣施施作悲又疑未是或作涕不次廞疏大觀帖有八月廿八日五

字

晉太守張翼書

大觀置三卷  
第二十二

廿三日

劉施闢  
當作賴

劉作卿施闢一  
作即當作郎

翼頓首節過多懷

得近書為慰意以何如深勞弊頓曳力還不具施作

晉陸雲書

位至都督大觀標目作晉都  
督陸雲置三卷第二十二

三月十六日雲白春節餘不適得示知足下平安為思

面未知何由如何信數之及卿既清遠可之一作云經

高施作高孫  
本摹作亭言人歎之當令征南取之也

朱云已上三  
帖同章帝偽

帖

晉海陵恭侯王邃書

大觀置三卷  
第二十四

寒佳不張丞婚事云何是良對足下可時令知女決也

王邃白

晉中書令王恬書

大觀置三  
卷第十九

得示知足下問吾故不差殊劣劣力小

一作少

具

施作  
一作

令王恬白

晉太守山濤書

伯思云山濤啟事與李懷琳所撰  
七賢書中濤書自相矛盾但此啟

文是而書非七賢帖中筆語  
皆妄也大觀置三卷第三

侍中尚書僕射奉車都尉新沓伯臣濤言臣近啟崔諒

史曜陳准可補吏部郎詔書可爾此三人皆衆論所稱

諒尤質正

一作止

少華可似敦教雖大化未可倉卒風尚

所勸為益者多臣以為宜先用諒謹隨事以聞

此上十九字長

涉帖誤連  
羊欣書後

晉侍中下壺書

大觀置三卷第八

足下佳不朝

劉與施俱闕恐  
是比中二字

郎上獲諸誠

一作城非

文墨

至便在舍事許改愛子紙下物知此草勿令一人見也

吾今勅書事令不發案筆法當作友亟付卿發發便密令人傳

施云劉釋作傳非疑是防字之壺白

晉謝發書

大觀置三卷第二十五

晉安素自強壯且年時尚可當延遐期豈謂奄至於此

自畢遠境二三惋愕不能已已未欲旨問悲酸悒悒想

不久可得還耳執筆惻感

此上三字潭帖誤連山濤書後宋云已上二帖同章帝偽

帖

宋特進王曇首書

宋曇首乃僧虔之父也失一首字者下誤以首為答耳大觀作王曇首

置三卷第

二十八

昨服散差可

施作耳

然不過佳請示

劉施作清和

所當作

宜如

更增劇

華本如更增劇字未能字俱糝糊潘本顧本俱完好

恐難為力耳未能合

施作令

遣從

施作俗

有餘念故

一作頻非耳王曇首和南

宋中散大夫羊欣書

三月六日欣頓首暮春感摧切割不能自勝當奈何奈何得去六日告深慰足下復何如腳中日勝也吾日弊

難復令自顧憂歎情想轉積執筆增惋足下保愛書欲

何言羊欣頓首朱云同章帝偽帖

宋太常卿孔琳書

伯思云孔琳之帖有恨恨脚中轉劇近明散未覺蓋十二字偏

小蓋行側注字摹帖者妄以入行耳當依本為勝孔琳按史名琳之大觀標目有之字

日月深酷撫膺崩叫心肝分膾尋繹慎懷觸感隕絕孤

思悒悒自羣

疑書法

地最

施作窮字於書法為長

當奈何不孝奈何

念痛悼難勝得去月二示知

潘本華本顧本俱模糊泉本完

良施作君所

患故尔不差甚有幽悒

上二字疑

熱盛比復何似想已轉佳

眠食極勝也善將治之孤子並疾患歎具施作歎悒悒

施云長睿作恨恨蓋恨與歎字本接續文理皆通腳中轉劇近明散未覺益孫帖

覺益二字俱失真愒頓何賴扶力迷甚劉作反陳作甚疑作亡不次孤子

孔琳之奈何一合作頓首

齊侍中王僧虔書伯思云王僧虔兩啟皆佳結字與擬王琰乞江郢所統郡啟同

書聲信不虛得

臣僧虔啟劉伯寵陶瑾稱勅二岸雜事悉委臣判聖恩固已獎使入效斯賢臣下驅馳至願且職事所司不應

多陳雖奉今音臣豈敢於外下意不先上聞正當罄率  
管見令官長啟審可否之宜會須恩裁此乃更亂天聽  
或致煩壅且得仍舊以待能者恐於事體二三惟允伏  
願少留神照察覽所啟非敢辭務懼塵聖化謹冒輸請  
伏追震忤謹啟

臣僧虔啟南臺御史謝憲乃堪驅使臣門義舊粗是所  
悉統內新故雜米數十萬斛實須督切憲今請假在此  
臣欲折以統攝庶得速辨其頗經督運已有前效謹以

啟聞伏願聽許謹啟

黃伯思跋秘閣法帖三卷後

此卷偽帖過半自庾翼後一帖已向季春等十七家  
皆一手書而韻俗筆弱濫厠諸名迹間始予觀之但  
知其偽而未審其從來及備員秘館因彙次御府圖  
籍見一書函中盡此一手帖每卷題云敝書第若干  
此卷偽帖及他卷所有偽帖皆在焉其餘法帖中不  
載者尚多竝以澄心堂紙寫蓋南唐人聊爾取古人詞  
語自書之爾文真而字非故斯人自目為倣書蓋但  
錄其詞而已非臨摹也國初論次法帖時如王著輩  
不悟其非但采名雜載真帖可勝歎哉今列此卷內  
一手偽  
帖於左

庾翼後一帖

沈嘉

杜預後一帖

王循

劉超

司馬攸

劉瓌  
紀瞻

劉穆之  
王廞

王幼  
張翼

陸雲

山濤

下壺

右十五家并庾翼杜預後一帖皆一手偽書

庾亮

庾翼前一帖

杜預後一帖

謝伯璠

王徽之

王凝之

王操之

王渙之

索靖

王坦之

謝莊

王邃

王恬

王曇首

孔琳之

王僧虔

右十四家并庾翼杜預前一帖皆真帖

法帖釋文考異卷三

欽定四庫全書

法帖釋文考異卷四

明 顧從義 撰

梁尚書王筠書

大觀置四卷第四

筠和南至節過念哀慕深至情不可任寒凝道體何如

想比清豫弟子羸勞每惡愒弊何理

大觀摹作俚

眷請勤御

比日來叙遣白王

案書法作至

筠和南

梁特進沈約書

大觀置第五

今年殆差

劉施作約垂

故爾

二字劉施闕

始得比

泉本此有石

斷紋行事至

二字劉  
施闕 沈約白一作行十一月十六日

梁交州刺史阮研書大觀置四卷第六

道增至得書

潘本得書甚勿未因中有補痕直貫

深慰

已熱卿何如吾甚勿勿始大觀失摹女過嶠今便下水

未因見卿為歎善自愛潘本上三字異日當至上京有

因道增行所有劉施少字不具施作阮研頓首大觀帖

一日四字米云同章帝偽

梁征南將軍蕭確書

伯思云齊豫章王凝孫確子範之子在梁位司徒右長史

此云征南將軍不知何據恐是梁邵陵王綸之子  
確也其書孝經一章亦近世偽體非江左書阮研  
帖亦然孫云一作確梁邵陵王綸之子也史謂  
工楷隸為秘書丞若作齊豫章王孫位至司徒右  
長史俱不曾為征南將軍大觀作  
梁廣州刺史蕭確置四卷第七

故以孝事君則忠以敬事長則順忠順不失以事其上  
然後能保其祿位而守其祭祀蓋士之孝也詩云夙興

夜寐無忝爾所生

米云同  
章帝偽

梁蕭思話書

宋征西將軍大觀作宋征西  
將軍蕭思話置四卷第三

一月三日思話白節近說寒切足下復何如比何一涉

道久當諸惡耶少首

二字疑

望近吾所患猶爾思話白

梁蕭子雲書

伯思云蕭子雲有章草史孝山出師頌一章甚古推與此卷正書列子遠

矣紙中王濛筆下徐偃信篤論也按史位至國子祭酒大觀作梁侍中蕭子雲置四卷第八

舜問乎丞曰道可得而有乎曰汝身非汝有汝何得有

夫道舜曰吾身非

潘本吾身非左有鏡紋顧本未下鏡

吾有孰有之哉曰

是天地之委形也生非汝有是天地之委和也性命非

汝有是天地之委順也孫子非汝有是天地之委蛻也

故行不知所往處

潘本知所往處右有鏡紋顧本有補痕未鏡

不知所持食

不知所以天地強陽氣也又胡可得而有耶

齊之國氏大富宋之向氏大貧自宋之齊請其術國氏告之曰吾善為盜始吾為盜也一年而給二年而足三年大壤自此以往施及州閭向氏大喜喻其為盜之言而不喻其為盜之道遂踰垣鑿室手自所及亡不探也未及時以威列子作賊獲罪沒其光居之財向氏以國氏之謬已也往而怨之國氏曰若為盜若何向氏言其狀國氏曰嘻若失為盜之道至此乎今將告若矣吾聞天有

時地有利吾盜天地之時利雲雨之滂潤山澤之產育  
以生吾禾殖吾稼築吾垣建吾舍吾陸盜禽獸水盜魚  
鱉亡非盜也夫禾稼土木禽獸皆天之所生豈吾之所  
有然吾盜天而亡殃夫金玉珍寶穀帛財貨人之所聚  
豈天之所與若盜之而獲罪孰怨哉向氏大惑以為國  
氏之重囚已過東郭先生問焉東郭先生曰若一身庸  
非盜乎盜陰陽之和以成若生載若形況外物而非盜  
乎誠然天地萬物不相離也仞而有之皆惑也國氏之

盜公道也故亡殃若之盜私心也故得罪有公私者亦盜也亡公私者亦盜也公公私私天地之德知天地之德孰為盜耶孰為不盜耶

或謂子列子曰子奚貴虛列子曰虛者無貴也子列子曰非其名也莫如靜莫如虛靜也虛也得其居矣取也與也失其所也事之破礪而後有舞仁義者弗能復也

陳朝陳逵書

伯思云陳逵者晉西中郎將也此云陳朝陳逵誤矣大觀作晉中郎將陳

逵置四

卷第一

十二月廿五日達百劉施作白歲終感慘寒切足下何如遣

不悉陳達

伯禮啟明顧問訊

陳云與訊同

足

一作兄

前許借介

劉闢施作介於之省

也燾今遣

一作進

請受願付今

劉施闢

使

劉施作佳

仰干悚息謹

啟

中書令褚遂良書

伯思云褚河南潭府帖末云舅遂良報薛八侍中前外舅張知

常以為河南謫潭時無有薛姓為侍中者僕嘗攷之信然按遂良以高宗永徽六年貶潭州都督前此上至神堯時為侍中者裴矩齊王元吉杜如晦王珪魏元成楊師道劉洎張行成高季輔宇文節

韓瑗凡十一人未有薛姓者至儀鳳中薛元超始  
作相既在遂良後又不作侍中當時在外鎮未有  
無此官者及觀字勢亦數褚作嫵媚態其偽必矣  
後家姪至一帖乃真河南得意書翩翩有逸敬體  
以前帖視之如蒹葭倚瑤林也按題上  
失唐字大觀作唐中書令置四卷第十

潭府下濕不可多時

潘本顧本日傍內闕一點

深益憤頽况兼年暮

諸何足言

按筆法當作去意

疾患有增醫療無損朽草枯木安

可嗟乎自離王畿親故阻越每思宿曩寧喻於心承汝

立行可暮出言成軌遷居要職擢任雄臺聞之嘉聲增

以羨慕更得汝狀

一作兆十卷大令鐵石帖內狀字同

吾誠因奏事聞方

便在意徒居此土深成要佳汝悉也五月八日舅遂良  
報薛八侍中前

山河阻絕星霜變移傷搖落之飄零感依依之柳塞煙

霞桂月獨旅無歸折木葉以安心採薇蕪而長性魚龍

起沒人何異知者哉褚遂良述伯思云山河帖乃褚河  
南所書枯樹賦中鈔出

耳此瘦子山作而褚書之後褚遂良述四字後人  
妄益案此帖內星安性者哉字不知何處集成者

家姪至承法師道體安居深以為慰耳復聞久棄塵滓

與彌勒同龕一食清齋六時禪誦得果以來將無退轉

也奉別儵

儵同 一誤作儵是 儵驚之 儵字矣

爾踰卅載即日遂良鬚鬢

盡白無復近歲之間嬰茲草土鷓雀之志觸緒生悲且以即日蒙恩驅使盡生報國塗路近止無由束帶西眺於邑悲囚更深因姪還州慙塞不次孤子褚遂良頓首和南

唐秘書少監虞世南書

伯思云虞永興大運帖歐陽率更比年帖皆集二公

碑中字為之大觀作唐祕書監虞世南置四卷第九

世南聞大運不測天地兩平風俗相承帝基能厚道清

三百鴻業六超君壽九宵命周成筭玄

大觀諱  
末一點

無之道

自古興明世南

此下修  
內司關

世南從去月廿七八率

一作

一兩日

一上二字  
合作曹

行左腳

更痛遂不朝會至今未好亦得時向本省猶不入內冀

少日望耳

施作  
可

自力脫降訪問願為奉答虞世南浴

賢兄處見臨樂毅論便是青過於藍欣忭無已數願

一作

記學

陳云與第六卷王羲之帖中熙字下一字筆畫相  
似而次莊釋作孝字故知此亦未必是學字也案書

法頭上作交又與六卷  
存亡字不同當作學

耳世南近臂痛廢書不堪覩縷

覲 綫委曲也 覲  
通力和切

也 虞世南呈十三日遣書謹空得書為

慰可言也

米云臨樂毅論  
帖俗人偽作

疲朽未有東顧之期唯增慨嘆今因使人指申代面必

公力也

此字有飛白潘本力也之間有小補  
痕右有錠紋顧本有補痕未下錠

鄭長官致

問極真而其三人恒不蕩蕩將如何故承後時有所異

責

潘六云司未得近問莫耶數小奴等計不日當有狀來

唐率更令歐陽詢書

大觀置四  
卷第十一

貞觀六年仲夏中旬初偶諸蘭惹猥辱見示諸家書徧  
得看尋可以頓醒滯思各甚嘉妙今昔孰為比肩至於  
興歎耳珍重珍重因書此叙於其後渤海郡率更令歐

陽詢記之

靜而思之勝事莫復

潘本莫復有補痕右有錠紋顧本有補痕而未下錠

過此氣

力弱猶未愈吾君何當至速付書必向饒定須

施作願當作頤

寄信意

當作立具二字

歐陽

潘本陽字右有補痕及錠紋顧本俱無

詢呈

五月中得足下書知道體平安吾氣力尚未能平復極

欲知君等信息比憂散散不可具言不復歐陽詢頓首

頓首

足下何當

一作嘗

定返還人望示心曲永嘉書處定難

本

此行有石斷紋以為其心也

比年守疾病無事絕心氣至於書處焉並昔時既言必

求然顯數字豈能備矣須將示之十五日歐陽詢

米云比年

帖俗人偽作

吾自腳氣數發動竟未聽許此情何堪寄藥猶可得也

唐諫議大夫柳公權書

伯思云柳少師與弟帖末云誠懸呈人多疑之以顏

籀注漢書丞相衡傳去字以表德豈人所自稱柳不當稱字然嘗觀逸少敬謝帖自云王逸少白廬山遠公集盧循與遠書自云范陽盧子先叩頭則古人稱字蓋或有之大觀作唐太子太師柳公權

置四卷

第十七

聖

泉本此字闕石角

慈允許守官稍減罪責

潘本右有銳紋顧本有橫補痕未下

銳

猶深憂懼續冀面言不一一誠懸

公權字與弟書呈故可以字也

卅弟處十四日懸

施作懸當作敬問二字

伏審姊姊八月定發弟與十八弟同從行遠聞不勝忭

躍今日元七一作叔來望弟速到極也願在路咨聞不停

滯幸甚未即展割尚增恨恨不一一公權呈廿三弟廿

六弟廿八弟卅弟處卅一弟意不殊前要小楷後當作復

使一作便非送往一作言

奉榮示承已上潘本右有錠紋顧本有補未錠訖惟增慶悅下情但多

欣愜垂情問以所要悚荷難任儻有赤箭時寄及三五

兩以扶衰病便是厚惠不具公權狀白至十六日專到

崇賢惟昭察謹狀十五日公權狀辱問却送及碑本兼

虛獎逾涯但深反側因見趙張如虛獎之說為緣飾也  
幸甚不具公權呈

唐李邕書

大觀作秘書監李邕  
置第四卷第十五

三數日晴煩熱若為自適也僕少理欲使小兒入京當

從澧州去有書不示之諸公

潘本公當間有鏡紋公字  
下有補痕顧本有補痕未

鏡歎賽無九百之事當不復爽也故使馳問不具李邕

白十二日差無多事檢校來一言集耳通長孫五郎

慶  
厯

帖有敬  
騎二字

唐諫議大夫褚庭誨書

大觀置四卷第十四

辭奉後不辱問實增馳係初寒惟動履休勝庭誨推前  
耳未由拜展悠悠下情惟珍厚人信惠問通法師往謹  
附狀不宣謹狀

唐尚書郎薛稷書

大觀作唐禮部尚書置四卷第十二

孫權與介象論膾象以鱸魚為上權曰此出海中安可  
得象乃庭中作塹置水投以鈎餌不經食得鱸鱸二  
字韻書

不載二字一義恐通用也  
考三國志俱作鱸音茲

魚付厨

唐洺州刺史徐嶠之書

大觀作廣平太守徐嶠之置四卷十六

春首餘寒惟闕

一作闕誤潘本有補痕左貫四行闕字左有錠紋顧本有補痕未錠

梨動

正安隱弟子虛乏認承榮寄蒙恩獎擢授洺州一歲三

遷自南徂北既近都邑忝竊彌深戰懼之情慙惶據便

即

大觀書法少變

祇命未由頂謁瞻望山門但增悽斷願珍重

恣恣不宣弟子徐嶠和南

唐東宮長史陸柬之書

伯思云陸柬之帖殊不類唐人語當是臨晉宋人帖

不爾效其語作此耳大觀作唐朝散大夫陸柬之置四卷第十三

近得告為慰上下無恙恙不得吳興近問懸心得藥書

散勢耿耿嘗也

得耿耿也四字有飛白

唐薄紹之書

伯思云薄紹之宋世為丹陽尹書與羊欣齊名時號羊薄此卷目為唐人

謬甚矣案薄字欽叙又字敬叔大觀

作宋給事中薄紹之置四卷第二

知弟定欲迴換

潘本有補痕貫四行顧本同

住止周旋

一作同於非

江叅

軍甚

○施作得可疑

一宅今旨遣問之若必未得居字多當

成交關也但臨丹訪處自難稱意得消息旨遣白薄紹

之白

徐嶠帖內正字按文義當作止字及  
觀汝帖并古唐帖皆摹正作止字

法帖釋文考異卷四

欽定四庫全書

法帖釋文考異卷五

明 顧從義 撰

蒼頡書

伯思云自蒼頡至程邈書皆偽史籀書傳世者岐鼓耳今此書云揚州喪易德系字

殊無三代體與其辭皆唐人筆也李斯書米云未知何人書傑案其文云田疇耕耨為政菴月而致灑令使父子為鄒魯乃李陽冰蒙王容所撰明州刺史河東襄公紀德碣中字也其碑畧云驚適復田疇闢教以耕耨故為政可菴月而致寬之則法令非行公之化夷俗為鄒魯使父子長幼各得其宜此帖乃摹田疇等十八字為斯書與碑中篆無殊黍差而米云未知何人書蓋未嘗見此碑耳程邈在秦雲陽獄作隸字迺今漢碑中字是也自此隸方生今正書不應邈已作之大觀標目作史倉頡書

夏禹書

劉釋  
闕

出令聶子星記齊春○

當作尚  
施

魯司寇仲尼書

烏延○○○有吳君子之墓呼

施  
釋

史籀書

唐

劉作楊施作別案碧落碑有唐五十三禩唐字正與  
帖同王著蔡京輩皆未考此碑耳何不闕疑以誤後

學州裴易德系

秦丞相李斯書

田疇耕耨為政朞月而致法令使

潘本使字有補痕左右貫一行右有錠紋

顧本有補痕未下錠丈本有闕二条俱未補

父子為鄒魯

米云未知何人書

秦程邈書

大觀標目作秦御史程邈書

天得一以清地得一以寧神得一以靈谷得一以盈萬物得一以生侯王得一以為為天下正其致之天無以

清將恐歌

米云同章帝偽帖

宋儋書

伯思云宋儋唐明皇時人學鍾書但作側戾殊失大勢王著錄此書不知乃唐士意

為遠古人故與斯邈竝列其誤至此儻有  
嵩山圭禪師等碑傳於世字亦不甚工

自一接拜情同兄弟沈吟緬懷固非小子之所勤及也

策質前謝恐乖昔賢共弊之道晦事勿語且絕

一作作  
非當作

紀

詩人匪報之實遲徊循驅倘俛未已殆將有辰矣足

下多可不恠高情內含如筠斯清比蕙又暢儋不以感

氣厚而修詐自廣不以撫已多而私頌作德未致力謝

馳懷宣書何陳萬一也悚息今秋盡野外草木變衰長

郊蕭條風物淒緊清都久客莫復相親足下退食公庭

睡罷私室櫛沐晞景收視解聽豈念歲華不待厭倦為

旅之士哉頃者釀玉初令弦絲正調竟

大觀少末  
筆一鈞

欲左

携鄭君幽指藥妙右對董叟高談道微情酣

潘本情酣  
右有補痕

貫六行左有錠紋顧  
本補痕同而無錠紋

世忘浩去塵靴思足下能順試實

其事為何如哉時聞真聲迥閒笙鶴此復異於人境耳

可以息宴可以嘯歌久不閒然期今日

潘本今日字起  
有補痕左貫五

行至衛夫人帖耳字止今日右  
有錠紋顧本補痕同而無錠紋

之事也倚候騎氣自豫

光臨幸甚謹馳疏不得具

一作

宋儋白

衛夫人書

伯思云衛夫人帖蓋唐初李懷琳作事見寶泉述書賦如續帖中稽康絕交書

世傳七賢帖皆懷琳偽蹟也此與師帖尤疎縲案蕭子雲答武帝勅云臣昔不能拔賞隨時所貴規摹子敬多歷年所奉二十六著晉史至二王列傳欲作論草隸法言不盡意遂不能成十許年始見勅旨論書一卷高畧筆狀洞徹字體始變子敬全範元常逮爾以來自覺功進此偽帖云但衛隨世所學規摹鍾繇遂歷多載年廿著詩論草隸人云筆勢洞精字體適媚皆竊取子雲啟中語欲小改之遂失其句讀今世高識豈無何不悟此又衛夫人乃晉李矩妻李充母名鑠字茂猗既與師書自當署名不但稱夫族及姓也以數事考之其偽無疑又前輩論此帖以其勅字從力館從舍為偽未中其病蓋自二王以來偽字甚多陳為陣策為茨皆二王輩自製不可據此定真偽也案茂猗廷尉

展之女恒之從妹汝陰太守李矩之妻伯思謂既與師書自當署名不但稱夫族及姓也愚謂春秋婦人稱姓如周女曰姬宋女曰子齊女曰姜是也伯思未之考耳大觀標自作晉衛夫人書

衛稽首和南近奉勅寫急就章遂不得與師書耳但衛隨世所學規摹鍾繇遂歷多載年廿著詩論草隸通解不敢上呈衛有一弟子王逸少甚能學衛真書咄咄逼人筆勢洞精字體適媚師可詣晉尚書館書耳仰憑至鑒大不可言弟子李氏衛和南

### 古法帖

知賢弟至舍晚寒想顧之傷歎遂爾永惟痛壽春富陽

范道長體氣以

施作似

小勝前日得此暑大都尋常新婦

書寄物示諸人散騎二君何時還凡

一作允非

子皆佳能數

為也

朝法帖

伯思云隋朝書中敬字闕其波蓋淳化中摹此書時特省去避諱耳或指此目

為偽帖非也大觀  
標目內無朝字

皇帝敬問婺州雙林寺慧則法師朕尊崇聖教重興三  
寶欲使一切生靈咸蒙福力法師捨離塵俗投志法門

專心講誦宣揚妙典精誠如此深副朕懷既利益群生當不辭勞也猶寒道體如宜今遣使人指宣注意

隨僧智果書

伯思云梁武帝書評乃命袁昂作者其答啟云奉勅遣臣評古今書臣愚

短豈敢輒量江海但天旨委臣斟酌是非謹品字法如前此云梁武帝評書誤矣袁昂不以書名而評裁諸家曲盡筆勢然論者以其評張芝書云如漢武愛道憑虛欲仙則欲仙而已至沈薄紹之書乃云如仙人嘯樹則真仙也為比擬失倫此亦一病也寫此者字法局束天然大少疑非智果書果號得右軍骨借譽浮其實亦不至爾

梁武帝

當是袁昂評今作武帝者豈下脫勅袁昂三字耶

評書從漢末至梁有

卅四人王僧虔書猶如揚州王謝家子弟縱復不端正  
奕奕皆有一種風氣

王子敬

大觀少一波

書如河朔少年皆充悅舉體沓拖而不

可耐羊欣書似婢作夫人不堪位置而舉止蓋蓋終不  
似真阮研書如貴胄失品次不復排突英賢王儀同書

如晉安帝非不處

潘本右有補痕有錠紋顧本有補痕未下錠

尊位而都無

神明殷

大觀少一波

均書如高麗人抗浪乃不有意氣而姿

顏自足精味徐淮南書如南崗士大夫徒尚風軌然不

寒乞陶隱居書如吳興小兒形狀未成長而體骨甚峭

快吳拖書如新停僮

音當吳人罵楚人曰僮

父一往似揚州人共

語語便能出柳產書如深山道人見人便欲退縮曹喜書如經綸道士言不可絕

王右軍書字勢雄強如龍跳天門虎臥鳳闕故歷代寶之永以為訓

蔡邕書骨氣洞達爽爽如有神力程曠平書如鴻鵠弄翅頡頏布置初雲之見白日蕭思話書如舞女低骨仙

人嘯樹李鎮東書如芙蓉之出水文彩如鏤金桓玄書

如快馬入陣隨人屈曲豈須文譜范懷約

一作均非

真書有

分草書無功故知簡牘非易皇象書如韻音繞梁孤飛

獨舞孔琳之書如散花空中流徽自得李巖之書如鏤

金素月屈玉自照薄紹之書如龍游在霄繾綣可愛秦

獄吏程邈善大篆得罪始皇雲陽獄增減篆體忠

大觀作志

其名名其書目隸也

扶風曹喜後漢人不知其官善篆及隸篆等少異李斯

見重一時耶鍾司徒書字有十二種意外巧妙絕倫多

奇崔子玉書如危峰阻日孤松單枝邯鄲淳書應規入

矩方圓乃成師宜官書如鵬翔未息翩翩而自逝梁鵠

書如龍威虎震劒拔怒張張伯英書如武帝愛道憑虛

欲仙衛恒書如插花舞女拔鏡

淳化少末筆一鉤大觀全

笑春索

泉本

此下闕半卷

靜

當作靖或古人通用

書如飄風忽舉鷲鳥乍飛鍾繇書

如雲鶴遊天羣鴻戲海行間

一作間古無問字同用

茂密實亦難

過耶

孫本此帖以下俱闕

何氏書

伯思云何氏書若云何人耳或以為何姓非也米以二帖為歐陽率更書良足

投老殘年西崦已逼恒

大觀少末一筆

慮儻忽歸骸玄

大觀少末一點

壤溘爾冥滅竟

大觀少一鉤

不一言以

以字閣本闕下筆一點

此在懷

預為其備於茲路唯有憑心他餘不能有益年將八十

可以意求欲望長存何可得

潘本何可得右有第五卷三字

也

十四道

潘本道右有張範二字大難俗情見善從善如登

潘本右有銳紋

見惡

閣本闕歌筆一點

行惡如崩必須榮怠惰勤精進愛日惜

力乃可獲耳吞聲飲氣不身填爾他

陳作地

便生異議速

自詳答取竟

此字疑

勿滯留也十六日

去留深情故當所爾餘散輩停歲積故切忽歸三月下旬還非賒冀叙不遙南路行乃寂絕傷心

蔡琰書

案大觀標目作東漢蔡琰書

我生之初尚無為我生之後漢祚

一作衰 祀非 米云同 章帝偽

古法帖

伯思云敬祖鄱陽二帖大令部中已有此重出耳敬祖王導子武岡侯協也與大令

不同時恐非其書

敬祖日夕還山陰與嚴使知

唐摹一本作君

聞頗多歲月余屬

天寒擬適遠為當奈何奈何爾豈不令念姊遠路不能

追求耳

此帖重見十卷

鄱陽歸鄉承修東轉有理吾賢畢欲事必俟勝歡慰於

懷耶吾終權宜至承今年饑饉仰惟年支都乏絕不謂

乖又至于此耶吾腳尚未

潘本顧本俱闕上一畫

差極憂也

此帖重見

十卷米云二

帖並子敬

孤不度德量力欲俟

古仲字

義於天下而措

劉與施闕史作智

術

淺短遂至昌蹶然至于今日志猶不息若謂計

一作非將

安出

伯思云孤不度德量力與董卓以來二帖皆諸葛傳中與昭烈問答語有一段自孫權據有江東以

下與此文脉相接誤寘第十卷王大令部中皆章草書雖字畫大小微異而筆勢若一大是全寫亮傳首語此文雖出亮言亦史家潤色之又中云亮曰亦史家所記米遂謂亮書差千里矣僕謂此帖當是逸少書蓋與此

公草草豹奴

帖筆法同

亮曰

劉施作白史作曰案章草書法曰是

董卓已來豪傑並起跨州連郡

不可勝數曹操比於袁紹

劉施作袁非

則名微而衆寡故能

尅紹以弱為強今日擁百萬之衆協挾天

大觀上一筆

子而

令諸侯誠能不可與

劉作九陳云非

爭峰

施釋鋒峰通用

也

米云並諸葛書大觀

以勉紹以翁另作一帖  
標唐張旭書不知何據

僧懷素書

大觀標目  
作唐僧

右軍云吾真書過鍾而草故不減張僕以為真不如鍾  
草不及張所為世之所重以其能懷素書之不足以為

道其言當不虛也

米云同  
章帝偽

張旭書

大觀二帖作一帖標  
目作隋僧智永書

足下晚復施作不知疾痛如何深極憂難比也上下安

之必得發耶

得足下十五日問為慰僕前患差張旭書

古法帖

伯思云移屋有意適閑曠二帖真羊中散書與唐薛邕家所畜筆精帖字勢同與法

帖本部中三月六日帖殊不類彼六日帖乃偽也筆精帖真羊公得意書或以為逸少則過矣案余新刻本失摹帖字因傳搨已多不復補完

既移屋近西墻微援

援欄也

裡地成大寬援裏起小三架

如步廊政可一丈梁得使二家通出入作門閣也此屋

之東故應作墻宜

施作直

步廊一壁太單恐園中彌宜

大觀

此下接重復以下七字作一行

移三間屋故當不甚難重複粗盡

一作畫義

當作畫

圖如別

大觀此下接移三問九字作一行案文義當以大觀為正

耳

足下既有意適閑曠亦當惡暑耶遊矚踈數慰對告今

少吾今年病垂耳

施云疑與下文耳字草法亦異

始小差大小會使疾

惛忽移日耳每每

施作日

深望遠言慰尚賒慨然玄過

施作

昌云劉誤

寄與音介

一作分非玄過寄與音介六字案寫法當作玄昌之問可令音介八字

勿

勿書復既與宜人

潘本有補痕錠紋貫後三行人有潤三字闕文本同顧本有補痕未下錠

而三字完好

理略絕

施作紀非

何緣復有周旋理長史斷濶亦不

減卿唯公事時相

文本未補有關

瞻望耳吾面信遂至今不着

不可解計至故應必有香但不知好惡云何耳須得米

須得當作欣白與  
上一帖皆羊欣書



法帖釋文考異卷五